

亥23

37414

馮氏錦囊秘錄
卷十三



南京中醫藥大學圖書館版權所有

卷十三 瘡疾大小總論合參

積論大小總論合參 瘡痛大小總論合參

兒科痢疾

附言脈

兒科便血

方脈腸風臟毒合參

脫肛大小總論合參

方脈痢疾合參

兒科痔瘡

方脈痔瘡合參

瘡毒合參 瘡毒合參 兒科腫脹

方脈腫脹合參

附言

方脈噎膈翻胃關格合參

馮氏錦囊秘錄

卷十三 亨



馮氏錦囊秘錄雜症大小合參卷十三

男 乾元龍田

海鹽馮兆張楚瞻甫纂輯

門人王崇志慎初全發

男 乾泰三公

瘧疾大小總論合參

瘧者內經謂瘧。瘧靈樞名歲露有寒瘧溫瘧瘧瘧種種不
同。經曰瘧瘧皆生於風。不過言其一端耳。然風寒暑溼邪
自外來。飲食居處邪由內作。始發也毫毛仲次。身體拘急
寒慄鼓頷。寒去未幾。內外皆熱。頭痛如破。渴飲以冷。經所
謂陰陽相移也。有因夏傷於暑。熱氣盛藏於皮膚之內。含



北京中醫藥大學圖書館版權所有

於榮氣之中。因得秋氣。汗出遇風。暑熱既伏於榮。風寒又居於衛。遂閉其汗而不得出。然榮專在內。無自而發。衛行於外。二邪隨之以出入焉。衛氣晝行於陽。邪氣得而外出。此瘧之所以發也。夜行於陰。邪氣得而內入。此瘧之所以蓄也。凡陰陽不可相離。惟有病者。陽氣上行。陰氣下行。行極則返。則陰陽遇而相爭。故經曰。陰陽上下交爭。此也。瘧之始發。陽昇於陰。陰實則三陽虛。陽虛則外寒。陰實則內寒。故寒慄鼓頷。中外皆寒。湯火不能溫。骨寒而痛。由是陰氣逆極。同昇於陽。是以外之陽氣實。而內之陰氣虛。陽盛則外熱。陰虛則內熱。中外皆熱。故發喘而渴。急欲飲冷。冰



水不能寒。然有間日而發者。邪氣內薄於五臟。橫連募原。與衛氣其道遠。其行遲。衛氣每日獨發於外。陰邪附着於內。獨發者。其行速。內着者。其發難。是以間日一發。其由始作之後。日晏一日。而至後日。早一日者。邪初客於風府。自項脊循膂下行。日下一節。風府者。在於項上。項骨有三椎。下至尾骶骨。共計二十四節。凡衛一日一夜行五十度已畢。次日則復出於足。太陽經之精明。次上至於項。轉行後項。大會於風府。瘧之始發也。邪在風府。衛至風府。邪隨衛出而病作。其後也。邪自風府日下一節。與風府相遠。不得與衛氣同作。衛氣行至邪舍。邪始得隨衛氣而發焉。是以

日晏一日也。至二十五日。邪已下至尾骶骨而行畢。則入脊內。注於伏膂之脈。從腎上貫肝膈。上行缺盆之中。其氣日高。能隨衛氣而出。故較之於前。而日早耳。有間數日而發。或渴或不渴者。是邪氣深客於內。不得隨衛氣而出。故至間數日而發耳。其有渴或不渴者。陰邪於陽。則陽勝而熱甚。故渴。陽併於陰。則陰勝而熱不甚。故不渴也。有每日依期而至。忽乃錯亂無定。或早或晏者。是正氣稍復。邪無容地而瘥將好也。然經曰。夏傷於暑。秋必痃瘕。又曰。此應四時者也。冬日爲瘧者。冬氣嚴冽。陽氣伏藏。不與寒爭。故寒必不甚。秋時病瘧者。清氣已涼。陽氣下降。熱藏肌膚。熱

極則寒。故其寒也必甚。春日病瘧者。春氣溫和。陽氣外發。腠裏開發。故必惡風。夏日病瘧者。暑熱熏蒸。津液外泄。故必多汗。有先寒後熱者。因先傷於寒。後傷於風。寒氣屬陰。風氣屬陽。先感陰氣而後感陽。故先寒後熱。以寒氣屬陰。故經名寒瘧。先熱後寒者。因先傷於風。後感於寒。先感陽而後感陰。故先熱後寒。以風爲病機。故名溫瘧。但熱而不寒者。是陽氣盛而獨發。故但熱不寒也。此表裏俱熱。令人消爍肌肉。故經謂瘧瘧痰瘧者。因乘涼飲冷。饑飽失時。當風臥溼。脾胃不和。化而爲痰。存積中脘。遇感乃發。故又名溼瘧。牝瘧者。寒多熱微。或竟寒不熱。瘧瘧者。乍寒乍熱。乍

有乍無疫瘧者。一歲之間。長幼均似鬼瘧者。夢寐不詳。多
生恐怖。本因脾虛感襲。實非鬼疫致邪。然世以符咒壓之。
而愈者。蓋瘧因脾虛。而脾主信。符咒之佩身。則心有所恃。
脾有所信。中氣一壯。外邪自解。勞瘧者。經年不瘥。前後復
發。結成癥癖。一名瘧母。此因治之失宜。榮衛虧損。邪伏肝
經。脇下有塊。此症當以補虛爲要。若徒以攻塊爲事。多致
不救。虛瘧者。正氣虛極。邪乘虛襲。必先參朮托住正氣。毋
使下陷也。然經雖有五臟瘧。及膽胃膀胱瘧之分。總在半
表半裏。屬少陽一經。而脾胃爲之主。氣虛者。多發於晝。血
虛者。多發於夜。氣血俱虛者。晝夜並作也。治瘧大法。無汗

者。要有汗。散邪爲主。而帶補。有汗者。要無汗。扶正爲主。而帶散。若過汗之。則大耗津液。變生別病。故必察其邪之深。證之陰陽。令其自陰而陽。自臟而腑。由晏而早。散而收。之邪去。則安。更有老瘡。并夜發者。是邪客陰分。當用通分藥。內加升提。引出陽分。方與散截爲宜。凡在陽分者。易治。陰分者。難療。有惡飲食者。必自飲食而得。可與消導爲妙。若胃傷惡食。脈中無力者。又以溫補爲功。總有餘者。瀉之。不足者。補之。經曰。方其盛時。必毀。因其衰也。事必大昌。蓋以邪氣正盛。治而瀉之。則必毀傷真氣。不若因邪氣已衰。而補其經氣。則邪氣自退。故必大昌。丹溪所言。三日一發。

者受病一年二日一發者受病半年一日一發者受病一月亦不過言受病之深淺耳邪受淺者病在三陽邪隨氣出入而一日一作深者病在三陰不能隨衛氣出入間日或三四日而一作作愈遲者病愈深也得之於暑月者十有七八蓋因時當中表氣虛水穀停聚爲痰飲於胸脇矣風暑入內血液稽留於經絡矣夏時毛竅疎通而不爲病秋氣收斂表邪不能發越故進退不已往來寒熱勢如凌虛人之狀所以名瘧人之榮衛晝行陽脊與背也夜行陰胸與腹也行至病所而不通乃作寒戰中外如冰此寒氣發於內也寒已而內外皆熱此邪火盛於外也寒多

熱少宜豁。亦開鬱發散。熱多寒少。宜清熱補虛。而兼發散。總以理脾保土爲主。而青皮檳榔之類。不可久用也。發在夏至後。處暑前者。此三陽受病。傷之淺者。近而暴也。發在處暑後。冬至前者。此三陰受病。傷之重者。遠而深也。自子至巳。屬陽。自午至亥。屬陰。衛虛則先寒。榮虛則先熱。然瘧本暑邪。法當解肌。且有無痰不成瘧。無食不成瘧之語。或當消導。然更莫不由於中氣不足而得。若元氣先虛之人。誤投破氣剋伐之藥。則中氣虛而愈虛。不但邪不得解。勢反內陷。必便膿血。多成腹脹。馴至不救。往往而是。世間似瘧非瘧者。多奈何。一見寒熱往來。便以截瘧丹一

截不止則再截止而復發復截以致委頓甚或因而致斃
經曰陽虛則惡寒陰虛則惡熱陰氣上人於陽中則惡寒
陽氣下陷於陰中則惡熱凡傷寒後人病後產後發熱等
症俱有往來寒熱似瘧甚或一日二三次發者並作虛治
但有陽虛陰虛之別陽虛者補陽如理中湯六君子湯補
中益氣湯加薑桂甚則加附子諸方中必用升柴以提出
陰中之陽水升火降而愈醫書中有論及者矣至於陰虛
者其寒熱亦與正瘧無異而陰瘧中又有真陰真陽之分
人所不知經曰晝見夜伏夜見晝止按時而發是無水也
晝見夜伏夜見晝止倏忽往來時作時止是無火也無水

者。壯水之主。以鎮陽光。六味湯主之。無火者。益火之原。以消陰翳。八味湯主之。世人患久瘧而不愈者。非瘧不可。乃治之不如法也。

風與暑陽邪也。寒與水陰邪也。然風爲陽中之涼。暑爲熱中之寒。邪合是四者而言。無非皆屬乎寒。故俗呼爲寒。寒病謂寒邪客於肌肉之間。而脾應肉也。及瘧之將發。必先手足厥冷。以脾主四肢也。經言暑者言時氣也。寒者言病氣也。雖邪氣自淺而深。鬱寒成熱。然終不免寒爲本。熱爲標耳。久而不解。縱實必虛。非大補真氣。大健脾胃。不得瘳也。瘧發必有寒有熱。蓋外邪伏於半表半裏。正在少陽。

所主之界。出與陽爭。陰勝則寒。入與陰爭。陽勝則熱。即純熱無寒。爲瘧瘧溫瘧。純寒無熱。爲牝瘧。要皆自少陽而造。其極偏。故補偏救弊。亦必還返少陽之界。使陰陽協和。而後愈也。謂少陽而兼他經。則有之。謂他經而不涉少陽。則不成其爲瘧矣。少陽乃東方甲木之象。故其脈自首尾輕重。總不離乎弦也。瘧之不離少陽。猶咳之不離於肺也。然瘧有因水。有因血者。惟水飲所以作寒。熱惟瘀血所以憎寒。熱故用常山。能逐水也。若是血症。宜加當歸。桃仁。行血之品。爲佐。蓋瘧晝發。屬氣。夜發。屬血。保命集云。瘧夜發者。乃邪氣深遠。而入血分。爲陰經有邪。宜加桃仁。於桂麻湯。

中發散血中之風寒

李士材曰常山生用多用則吐與甘草同用亦吐若酒炒透但用錢許每見奇功未見其或吐也世人泥法久病忌服之說使良藥見疑沉痾難起抑何愚耶時珍曰常山蜀漆劫痰截瘧須在發散表邪及提出陽分之後用之得宜其效如神然瘧藥每以黃昏煎好露一宿五更時溫服者以瘧爲暑邪凡暑得露則散也

醫貫云有渴甚者發時飲湯不絕以六味丸一料納肉桂一兩水煎探冷連進代茶遂熟睡渴止而熱愈又有惡寒惡熱如瘧無異面赤如脂口渴不甚吐痰如湧身以上熱

如烙膝以下自覺冷此真陽泛上腎虛之極急以附子入
味地黃湯大劑冷飲而熱退繼以人參建中湯調理
截者堵截也兵精糧足寇至方可堵截壯盛之體
後瘡勢少減可以截之其虛弱之人始終不能截
因致腹脹別病不可不慎卽服藥亦有避忌瘡將來可服
藥阻其來將退可服藥追其去若瘡勢正盛服藥與之灌
戰徒自苦耳至於多熱而久不解者其人必本陰虛法當
益陰除熱非生薑甲牛膝不能除也多寒而久不解者其
人必本陽虛非參芪白朮甚至桂附不能除也凡久瘡不
止乃屬元氣虛寒益氣虛則寒血虛則熱胃虛則惡寒脾



虛則發熱。陰火下流。則寒熱交作。或吐涎不食。泄瀉腹痛。手足厥冷。寒戰如慄。若投以清脾截瘧二飲。多致危殆。惟人參煨薑各一兩。煎湯於發前三時服。或發日五更連進二劑。無不愈者。無者服參者。氣虛以白朮代之。血虛以當歸代之。或人參常山各五錢同炒。去常山。以人參煎湯。未發前服亦效。故曰脈實症實。攻邪以治標。脈虛症虛。補正以治本。瘧者風寒暑溼之邪。爲外感三陽經病也。奈嚴氏有無痰不作瘧之論。夫痰本人身之津液。隨邪之所在而成病之名。若指痰爲瘧之本。反以瘧爲痰之標。則瘧將已也。痰匿何所。瘧將作也。痰發何經。痰胡爲而既已。其病胡爲。